



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐ

Երևան-0010, Հանրապետության հր. Կառավարական տուն 3

“ 30 ”օգոստոսի.. 2022թ.

N...ԱԵ//22762-2022.....

«Գլավդորստրոյ» ԲԸ-ի տնօրեն
Ս. Պետրոսյանին
ՌԴ, ք. Մոսկվա, Վերնայա փողոց, շենք 1, բն. 4
ՀՎՀՀ 7729511888
glavdorstroy.ao@inbox.ru

Հարգելի՛ պարոն Պետրոսյան

ՀՀ տարածքային կառավարման և ենթակառուցվածքների նախարարության (այսուհետ՝ Պատվիրատու) և «Գլավդորստրոյ» ԲԸ-ի (այսուհետ՝ Կապալառու) միջև 07.07.2022թ.-ին «Գնումների մասին» ՀՀ օրենքի 15-րդ հոդվածի 6-րդ կետի համաձայն կնքվել է «ՏԿԵՆ-ՀԲՄԱՇՁԲ-2022/2Շ» ծածկագրով կապալային աշխատանքների կատարման պետական գնման պայմանագիր /այսուհետ՝ Պայմանագիր/, որի շրջանակում Կապալառուի կողմից ներկայացվել է Պայմանագրի և որակավորման ապահովումներ՝ տուժանքի ձևով:

Ֆինանսական միջոցներ նախատեսվելուց հետո, Պայմանագրի 8.13 կետի համաձայն՝ օրենսդրությամբ սահմանված կարգով, «Գլավդորստրոյ» ԲԸ-ին ներկայացվել է համաձայնագիր կնքելու առաջարկ: Համաձայնագիրը սահմանված ժամկետում հաստատվել է Կապալառուի կողմից և ներկայացվել է Պատվիրատուին:

Ընթացակարգի հրավերի (այսուհետ՝ Հրավեր) 10-րդ կետի համաձայն՝ Ընտրված մասնակցի հետ պայմանագիրը կնքվում է, եթե որակավորման և պայմանագրի ապահովումները ներկայացնելու պահանջի հիման վրա, այն ստանալու օրվանից հաշված

10 աշխատանքային օրվա ընթացքում, ընտրված մասնակիցը ներկայացնում է որակավորման և պայմանագրի ապահովումները:

Հրավերի 10.2 կետի համաձայն որակավորման ապահովման չափը հավասար է ընտրված մասնակցի գնային առաջարկի 30 տոկոսին: Որակավորման ապահովումը ներկայացվում է կանխիկ փողի կամ բանկերի կամ ապահովագրական կազմակերպությունների կողմից տրամադրված երաշխիքների ձևով: Ընդ որում ապահովումը պետք է վավեր լինի առնվազն մինչև պայմանագրի կատարման արդյունքը Պատվիրատուի կողմից ամբողջական ընդունվելու օրվան հաջորդող 90-րդ աշխատանքային օրը ներառյալ, իսկ 10.3 կետի համաձայն՝ պայմանագրի ապահովման չափը կազմում է կնքվելիք պայմանագրի գնի 10 տոկոսը: Պայմանագրի ապահովումը ներկայացվում է բանկային երաշխիքի կամ կանխիկ փողի ձևով: Պայմանագրի ապահովումը պետք է վավեր լինի առնվազն մինչև կնքվելիք պայմանագրով սահմանվող պարտավորությունների ամբողջական կատարման վերջին օրվան հաջորդող 90-րդ աշխատանքային օրը ներառյալ:

Կապալառուի կողմից նարկայացված պայմանագրի ապահովման երաշխիքը չի համապատասխանում օրենսդրությամբ սահմանված պայմաններին՝ երաշխիք տված կազմակերպությունը չի հանդիսանում ոչ բանկ, ոչ էլ ապահովագրական կազմակերպություն, իսկ որակավորման ապահովման երաշխիքի փոխարեն ներկայացվել է կանխավճարի ապահովման երաշխիք:

Հիմք ընդունելով վերոգրյալը՝ Պատվիրատուի կողմից չի ընդունվել նշված երաշխիքները և Պայմանագիրը համարվել է միակողմանի լուծված:

Հայտնում ենք, որ «Գլավդորստրոյ» ԲԸ-ի նկատմամբ կկիրառվեն ՀՀ «Գնումների մասին» ՀՀ օրենքի 6-րդ հոդվածի 2-րդ մասի պահանջները՝ գնումների ընթացակարգերին մասնակցելու իրավունք չունեցող մասնակիցների ցուցակում ներառելու նպատակով:

Ընկերության տվյալներն օրենքով սահմանված կարգով կներկայացվեն լիազոր պետական մարմին:

Միաժամանակ տեղեկացնում ենք, որ Ընկերության կողմից տուժանքի ձևով ներկայացված պայմանագրի և որակավորման ապահովումները սահմանված կարգով կներկայացվի ընկերությանը սպասարկող բանկ տուժանքի մասին համաձայնագրով

սահմանված գումարները ՀՀ ֆինանսների նախարարության կողմից բացված 900005000758 և 900008000664 գանձապետական հաշվեհամարներին փոխանցելու նպատակով:

8/30/2022

X 

ԱՐԹՈՒՐ ԵՐԻՏՅԱՆ

ՀԱՐԳԱՆՔՈՎ՝

Signed by: YERITSYAN ARTUR 1609770064

Ա. ԵՐԻՏՅԱՆ

Կատարող՝ Մ. Փարսադանյան
Գնումների համակարգման և կազմատնտեսական վարչություն
Հեռ. (010) 511-328
Էլ. փոստ՝ m.parsadanyan@mta.gov.am